

I. DETERMINAZIUNS GENERALAS

Art. 1 Intent

¹ Quest regulativ da salarisaziun normescha l' indemnizaziun als commembers da suprastonza, funcziunaris e commembers da cumissiuns dalla pleiv, nun che prescripziuns specialas ni contracts spezials stipuleschen enzatgei auter.

² La finamira ei da cuvierer las spesas digl engaschi (ni dils engaschai) sco remuneraziun per las activitads voluntarias.

Art. 2 Dretg subsidiar

Aschinavon che quest reglament stipulescha nuot auter valan subsidiarmein la legislaziun da personal e las perscripziuns dall'ordinaziun davart la salarisaziun dil personal dil cantun Grischun (170.410).

Art. 3 Egalitad da schlatteinas

Las indicaziuns da personas, funcziuns officialas ed indicaziuns professionalas en quest reglament serefereschan sin omisduas schlatteinas.

Art. 4 Assicuranzas

¹ Duront il temps da lavur per la pleiv ein ils officials e funcziunaris assicurai entras la pleiv encunter accidents e responsabladad.

² Da mintga indemnizaziun ad ina persona privata vegn deducida sia cumpart allas assicuranzas dil provediment public, aschi lunsch sco ei dat in'obligaziun da pagar contribuziuns.

³ La pleiv presta la cumpart sco patruna e renda quen allas cassas dallas assicuranzas socialas.

⁴ Subsidiarmein valan las prescripziuns dallas assicuranzas socialas.

Art. 5 Indemnisaziuns

¹ Ils commembers da suprastonza vegnan salarisai annualmeins cun ina indemnizaziun pauschala. Cunteniu en quella pauschala ein ils pensums dalla funcziun, sedutas e spesas ordinarias.

² Per delegaziuns officialas (uatgas, radunonzas che cuozzan pli ch'in miezdi etc.) vegn indemnissau separadameins.

³ En l'indemnisaziun dil cassier ei il menar la contabilitad cuntenida.

Art. 6 Rendaquen

¹ Il cassier meina il quen e la controlla sur las indemnizaziuns. L' indemnizaziun succeda mintgamai sin la fin digl onn current.

² Per viadis cun mieds publics vegnan ils cuosts effectivs da secunda classa indemnizai. Viadis fatgs cun auto privat vegnan indemnizai per km tenor la reglementaziun cantunala mintgamai vertenta.

³ Telefons, portos etc. vegnan indemnizai tenor cuosts effectivs ni tenor ina curvegna.

II. DETERMINAZIUNS SPEZIALAS

Art. 7 Fixaziun dall' indemnizaziun

¹ Indemnizaziun pauschala:

| Pos | Tematica | Import | Precisau |
|-----|--------------------------|--------|-----------------------------|
| | Pauschala annuala | CHF. | |
| 1 | President | 2500 | |
| 2 | Actuar/vicepresident | 1000 | |
| 3 | Cassier | 4000 | incl. menar la contabilitad |
| 4 | Ugau pervenda | 1000 | |
| 5 | Plevon | 500 | |
| | | | |
| | Schurnadas | | |
| 7 | Schurnada per entir di | 200.- | |
| 8 | Schurnada per miez di | 100.- | |
| 9 | Per in'ura | 25.- | |
| | | | |

² Quellas indemnizaziuns pauschalas ad onn valan per tutta lavur e per sesidas da suprastonza e radunonzas generalas ordinarias che cumpetan ad els tenor constituziun ed uordens.

III. DETERMINAZIUNS FINALAS

Art. 8 Cass dispiteivels

En cass dispiteivels decida la cumissiun da gestiun davart l'indemnisaziun.

Art. 9 Midadas

La cumissiun da gestiun ha d'examinar periodicamein quest regulativ e far propostas per midadas ed alzaments alla radunonza generala.

Art. 10 Vigur

Quest regulativ va en vigur cun ils 01-01-2016

Art. 11 Approbaziun

Quest regulativ ei vegnius approbaus dalla radunonza generala ils 10 d'avrel 2015

Per la pleiv roman-catolica Laax

Laax, ils 10 d'avrel 2015

Il president:

Igl actuar:

.....

.....

Maurus Cavigelli

Christof Pohle